

Zaj Tsab Yeeb Tsab Tshuaj

1. Hais... zoo liv kuv, zoo liv kuv. Zoo li txhia niaj lawm txhia xyoo kuv niam kuv txiv kev plaj tshoob ncig tsis poob, kev kos los tsis txog, kuv niam kuv txiv ces txawj mus cog yeeb sim lias rau tej teb av mus luaj **liab**, es kuv niam kuv txiv nplooj yeeb qab mus muaj **ntxhiab** nis.

Zoo li txhia niaj lawm txhia xyoo kuv niam kuv txiv kev plaj tshoob ncig tsis poob, kev kos los tsis txog, kuv niam kuv txiv ces txawj mus cog yeeb sim lias rau tej teb av mus luaj **dag**, es kuv niam kuv txiv nplooj yeeb qab mus muaj **pa** nis.

2. Zoo li xyoo no kuv niam kuv txiv plaj tshoob ncig los poob, kev kos ncig sim yees rov los txog. Kuv niam kuv txiv tsis txawj mus cog yeeb, cog yeeb sim lias tom lug taiv toj mus lub roob **suab**, kuv niam kuv txiv qhua tshoob qhua kos ntaug li taw tuaj txog, kuv niam kuv txiv tsis muaj zoo kab yeeb qab mus muaj **kuab** nis.

Zoo li xyoo no kuv niam kuv txiv plaj tshoob ncig los poob, kev kos ncig sim yees rov los txog. Kuv niam kuv txiv tsis txawj mus cog yeeb, cog yeeb sim lias tej teb av mus luaj **liab**, es kuv niam kuv txiv qhua tshoob qhua kos ntaug li taw tuaj txog, kuv niam kuv txiv tsis muaj zoo nplooj yeeb qab mus muaj **ntxhiab** nis.

3. Zoo li kob swm tshuaj ces txawm lawm qhov twg tuaj? Kob swm tshuaj ces txawm sim lias rau lawm tej mus nruab **roob**. Kuv niam kuv txiv muaj zoo nus tij rov nus kwv, es nkaus hlo rab riag niam mus lawm peb plhu ncauj, es tho kev lis rhuav rov mus poob, hlob zog ob nploog es cia kav mus yeej noob, muab zog kob swm tshuaj rov los **poob**. Yuav muab txhoov sim lias nyob mus tsheej hau, tsij sim lias nruab lauj kaub, ncej roog rauv taw rau nruab lauj kaub, nphau sis aub, daus zoj lawm lub tais pheej, es ncuav sim lias tuaj rau lub mus khob xyoob, yuav coj los tos lawm kuv niam kuv txiv nkawm mus qhua **tshoob** nis.

Zoo li kob swm tshuaj ces txawm lawm qhov twg tuaj? Kob swm tshuaj ces txawm sim lias rau lawm tej mus nruab **tog**. Kuv niam kuv txiv muaj zoo nus tij rov nus kwv, es nkaus hlo rab riag niam mus lawm peb plhu ncauj, es tho kev lis rhuav rov mus txog, hlob zog nplooj rov mus ob tog es cia kav mus yeej cog, ces muab zog kob swm tshuaj rov los **txog**. Yuav muab txhus txhoov mus tsheej hau, tshij sim nrus rau nruab lauj kaub, ncej roog rauv taw rau, hliv li zoj rau nruab tshob, yuav coj los tos lawm kuv niam kuv txiv nkawm mus qhua **kos** nis

4. Zoo li kwv luag wb muab tsa sim zus rau neb phoojywg kwv sis luag. Qab los neb tuaj muab ntxais li **npawv**. Tsis qab los neb tuaj muab hua rov li **hawv** nis.

Zoo li kwv luag yau wb muab tsa sim zus rau neb phoojywg kwv sis luag. Es qab los neb muab ntxais li **npo**, tsis qab los neb tuaj muab hua li **ho** no tis yuav phoojywg kwv sis luag, nkawm qhua tshoob cos qhua kos es.